

'Saya sudah ada nama'

Oleh **MOHAMAD HAFIZ YUSOFF BAKRI**
dan **MOHD. HUSNI MOHD. NOOR**
utusannews@mediamulia.com.my

KUALA LUMPUR: Perdana Menteri sudah mempunyai senarai nama yang bakal mengisi kekosongan empat jawatan menteri.

Namun, Datuk Seri Anwar Ibrahim berkata, beliau masih meneliti proses tersebut dan tidak mahu terburu-buru mengumumkan rombakan Kabinet.

Beliau juga terbuka untuk mendengar pandangan pelbagai pihak termasuk ketua-ketua parti sebelum membuat keputusan muktamad.

Anwar belum bertemu ketua parti, tidak mahu tergesa-gesa umum rombakan Kabinet

“Saya sedang memikirkan mengenai rombakan itu tetapi saya tidak mahu tergesa-gesa.

“Walaupun keputusan ini adalah prerogatif saya, saya berterima kasih dan menghargai pandangan dinyatakan kerana akhirnya saya yang perlu membuat keputusan.

“Saya pun belum bertemu dengan Timbalan Perdana Men-

teri, Datuk Seri Dr. Ahmad Zahid Hamidi lagi.

“Mengisi kekosongan juga bermaksud satu rombakan kecil. Saya ada, saya ada (senarai untuk rombakan itu),” katanya.

Katanya, yang bakal dilaksanakan hanya menumpukan kepada beberapa jawatan yang masih kosong.

Perdana Menteri berkata de-

mikian pada sidang akhbar selepas majlis pelancaran dan sesi menandatangani buku terbaharunya, *Rethinking Ourselves* di Pavilion Bukit Jalil di sini semalam.

Pada masa ini, terdapat empat kekosongan dalam Kabinet, dengan portfolio berkenaan dipangku oleh menteri lain.

Jawatan yang masih kosong ialah Menteri Pembangunan Usahawan dan Koperasi, Menteri Ekonomi, Menteri Sumber Asli dan Kelestarian Alam Sekitar, serta Menteri Pelaburan, Perdagangan dan Industri.

Bersambung di muka 2